



## SAOPĆENJE ZA MEDIJE

**Na Diplomatskom zimskom bazaru 2025. g. prikupljeno je 310.000 KM za pomoć djeci i mladima širom Bosne i Hercegovine, Sarajevo, 3. mart 2026. g.**

**3. mart 2026.** – Organizacioni odbor Diplomatskog zimskog bazara s ponosom objavljuje da je na bazaru održanom 2025. godine prikupljeno 310.000 KM koje će biti raspoređene na 28 organizacija koje pružaju podršku djeci i mladima širom Bosne i Hercegovine.

Više od prikupljenog ukupnog iznosa, ovaj uspjeh je i odraz izuzetnog duha zajedništva međunarodne i lokalne zajednice. Diplomatski zimski bazar postao je mjesto spajanja i empatije. Tog 6. decembra 2025. g. više od 13.000 posjetilaca došlo je zajedno sa 43 ambasade i međunarodne organizacije, međunarodne škole, lokalne partnere i više od 900 volontera da daju podršku. Njihova zajednička predanost stvorila je atmosferu darežljivosti i kulturnih susreta – podsjećajući nas da kad se zajednice ujedine, značajna promjena je moguća.

Diplomatski zimski bazar je u cjelini volonterska, neprofitna inicijativa međunarodne zajednice u BiH. Organizacioni odbor 2025. godine u sastavu —David Badower (Švedska), Hiroko Aiki (Japan), Piet Bakker (Nizozemska), Madeline Ben Atikovic (Filipini), Amy Davies (SAD), Raoul Franker (Surinam), Elena Jidobin (Moldavija), Dorina Kolic (Albanija) i Marjo Wieman (Nizozemska)— izražava iskrenu zahvalnost svima koji su dali svoj doprinos.

Posebno se zahvaljujemo sponzorima, među kojima su Leonardo Helicopters, Pomozi.ba, EFT Group, DPM Metals, Toyota BiH i Telemach Fondacija, koji su velikodušno pomogli da se postigne ovakav uspjeh. Također izražavamo duboku zahvalnost štabu EUFOR-a i NATO-a u Sarajevu za specijalnu podršku.

Ovogodišnji dobitnici grantova neumorno rade na unapređenju života djece i mladih – onih koji se suočavaju sa poteškoćama u razvoju, invalidnosti, siromaštvom, diskriminacijom ili odsustvom roditeljske skrbi. Od terapija i psihosocijalne podrške do stipendija, sigurnog prostora i programa osnaživanja, svaka organizacija ima ključnu ulogu u osiguranju da svako dijete u BiH ima priliku da raste, uči i razvija se.



**Korisnici sredstava Diplomatskog zimskog bazara 2025. godine su:**

- **Angelus** (*Udruga roditelja djece s posebnim potrebama Angelus - Domaljevac Šamac*) radi s djecom sa posebnim potrebama i njihovim porodicama dajući im potrebnu podršku i pomažući im prilikom njihove inkluzije u društvo: **12.000 BAM**
- **Bosanski doktori** (*Udruženje "Bosanski doktori za osobe sa invaliditetom" – cijela BiH*) pomaže djeci i mladima sa teškim invaliditetom kod pristupa obrazovanju i obavljanja svakodnevnih aktivnosti pomoću personalne asistencije i funkcionalne podrške: **15.000 BAM**
- **Dajte nam šansu** (*Udruženje porodica djece i osoba s poteškoćama u razvoju "Dajte nam šansu" - Sarajevo*) pruža zdravstvene i psihološke usluge za djecu i mlade sa poteškoćama u razvoju i njihovim porodicama: **10.000 BAM**
- **Djeca sa izazovom** (*Udruženje roditelja djece sa poteškoćama u razvoju „Djeca sa izazovom“ - Kakanj*) ima za cilj poboljšati komunikacijske, razvojne i funkcionalne vještine djece sa poteškoćama u razvoju: **11.000 BAM**
- **Dobro djelo** (*Omladinsko udruženje "Dobro djelo" – Sarajevo*) vodi dnevni centar za invalidnu i ranjivu djecu nudeći neurofeedback i govornu terapiju, te psihološku pomoć za ovu djecu: **12.000 BAM**
- **Down Sy I mi** (*Udruženje građana Down Sy i mi - Banja Luka*) pomaže djeci sa Downovim sindromom, naročito putem pružanja usluga govorne terapije: **14.000 BAM**
- **Drugačiji svijet** (*Udruženje za pomoć licima sa autizmom "Drugačiji svijet" – Bijeljina*) pomaže djeci sa autizmom i drugim smetnjama i njihovim roditeljima putem obrazovnih radionica: **11.000 BAM**
- **DTCare Sarajevo** (cijela BiH) organizuje ljetne kampove s ciljem osnaživanja mladih žena iz siromašnih porodica i marginalizovanih grupa ili žrtvama zlostavljanja: **5.500 BAM**
- **Fondacija Matica Bosna-duh Bosanski** (Ilidža / Srebrenica) nudi stipendije socijalno i finansijski ugroženim učenicima iz Srebrenice i Bratunca: **13.500 BAM**
- **Humanitarna Organizacija Alfa** (Bihać) radi na poboljšanju materijalnog stanja djece, mladih i porodica romske zajednice u Bihaću kako bi mogli živjeti van siromaštva u svijetu jednakosti, naročito pomoću dodjele stipendija: **13.500 BAM**



- **Kruh Sv. Ante** (*Humanitarno-karitativna organizacija "Kruh Svetog Ante"* - cijela BiH) osigurava stipendije za socijalno i finansijski ugrožene studente iz cijele Bosne i Hercegovine: **13.500 BAM**
- **Los Rosales** (*JU Centar za odgoj, obrazovanje i podršku "Los Rosales"* - Mostar) pomaže djeci i mladima sa poteškoćama u razvoju da postignu najviši mogući stepen nezavisnosti: **10.000 BAM**
- **Lotos** (*Udruženje za zaštitu mentalnog zdravlja djece i odraslih lica - Lotos - Zenica*) daje psihološku pomoć djeci i mladima sa smetnjama, kao i njihovim roditeljima i starateljima: **8.500 BAM**
- **MAK** (*Udruženje za kreativno učenje MAK - Vogošća*) pomaže pri ranoj intervenciji kod dojenčadi i vrlo male djece putem specijalizovanih usluga kao što su govorna i terapija senzorne integracije: **14.000 BAM**
- **Mala sirena** (*Udruženje roditelja djece sa poteškoćama u razvoju "Mala sirena"* - Zavidovići) pruža esencijalne terapijske, razvojne i psihosocijalne usluge za djecu i mlade sa poteškoćama u razvoju i njihove porodice: **8.000 BAM**
- **Mala škola** (*Ustanova za prihvatanje i odgoj djece "Mala škola"* – Vareš) skrbi za djecu bez roditelja ili adekvatne roditeljske skrbi, bez obzira na njihovu vjersku ili nacionalnu pripadnost : **12.000 BAM**
- **Novi Put** (*Udruženje "Novi Put"* – područje Mostara) djeluje protiv trgovine djecom, savremenog ropstva i nasilja, te daje psihosocijalnu podršku žrtvama i preživjelim: **15.000 BAM**
- **OAZA** (*Udruženje za podršku osobama sa intelektualnim teškoćama na području Kantona Sarajevo "Oaza"* - Sarajevo) daje stalnu podršku osobama sa intelektualnim poteškoćama putem obrazovnih, socijalnih i terapijskih aktivnosti sa ciljem jačanja njihove samostalnosti i društvene inkluzije: **7.000 BAM**
- **OGBiH – Jovan Divjak** (*Udruženje "Obrazovanje gradi Bosnu i Hercegovinu – Jovan Divjak"* - cijela BiH) omogućava materijalno slabijim mladim ljudima da nastave studije uz pomoć stipendija: **13.500 BAM**
- **Otaharin** (*Udruženje "Centar za integrativnu inkluziju Roma i Romkinja Otaharin"* – Bijeljina) radi na poboljšanju ukupne dobrobiti romske djece i njihovih porodica, te na širenju obrazovnih prilika za njih: **11.000 BAM**



- **Pomirenje Grace Valley** (*Udruženje građana "Pomirenje" (Grace Valley)* - Zenica) je rezidencijalni i dnevni centar uglavnom za romsku djecu: **15.000 BAM**
- **Rastimo zajedno** (*Udruženje roditelja i prijatelja djece i omladinu sa posebnim potrebama "Rastimo zajedno"* - Gacko) pruža individualnu i grupnu pomoć da se djeca sa smetanjama integrišu u društvo: **10.000 BAM**
- **Savez slijepih Republike Srpske** (Banja Luka) pomaže slijepoj i slabovidnoj djeci da nauče braillovo pismo obezbjeđivanjem dostupnog štiva: **7.000 BAM**
- **Srce za djecu** (*Udruženje "Srce za djecu oboljelu od raka"* – cijela BiH) pruža podršku i dostojanstvo djeci i mladima oboljelim od raka, naročito pomoću pravljenja perika za one koji su izgubili kosu: **15.000 BAM**
- **Sreća za sve** (*Udruženje "Sreća za sve"* - Travnik) nudi individualne sesije i radionice za djecu sa poteškoćama u razvoju i smetnjama: **6.000 BAM**
- **Stariji brat, starija sestra** (*Fondacija za podršku i razvoj mentorskih programa Stariji brat, starija sestra* - Banja Luka/Pale/Bugojno) nudi omladinsko mentorstvo djeci iz društveno isključenih i disfunkcionalnih porodica: **12.000 BAM**
- **Udruženje građanki "Grahovo"** (*NVO Udruženje građanki (žena) "Grahovo"*- Bosansko Grahovo) je vannastavni program koji djeci iz ranjivih porodica nudi aktivnu pomoć u učenju i socijalizaciji: **13.000 BAM**
- **Život sa Down sindromom** (*Udruženje "Život sa Down sindromom Federacije Bosne i Hercegovine"* - Sarajevo) pruža psihosocijalnu podršku djeci i mladima sa Downovim sindromom putem individualnih i grupnih savjetodavnih sesija: **7.000 BAM**